

Evening Dogri (NSD)

14-11-2025

खबरां

1. बिहार दे विधानसभा चुनांऽ च राश्ट्री जनतांत्रिक गठबंधन-एनडीए भारी जित्त आहली भेठा अगगे बदा'रदी ऐ।
2. 7 राज्ये दे 8 निर्वाचन क्षेत्रें दे उप-चुना दे वोटें दी गिनतरी आहला कम्म आज होआ।
3. अज्ज बाल दिवस मनाया जा'रदा ऐ। राष्ट्रपति होरें अज्ज राष्ट्रपति भवन च बच्च कन्ने एह दिवस मनाया।
4. उपराष्ट्रपति सी.पी. राधाकृष्णन होरें अज्ज आंध्र प्रदेश दे विशाखापत्तनम च 30में सी.आई.आई. साझेदारी शिखर सम्मेलन 2025 दा उद्घाटन कीता।
5. 44में भारतीय अंतर्राष्ट्रीय व्यापार मेले दा अज्ज भारत मंडम च उद्योग ते व्योपार राज्यमंत्री जतिन प्रसाद होरें कीता।
6. मर्दे दे क्रिकेट च भारत नै पैहले दिन द खेड मुक्कनें तगर इक विकट मुहार्ईए 37 रन बनाई लेते दे हे। दक्खण अफ्रीका गी भारत नै 159 रन पर समेटी दिता।

<><><><><><>

Bihar-Election Counting

बिहार में विधानसभा चुनाव में राष्ट्रीय जनतांत्रिक गठबंधन-एनडीए भारी जीत आहली फेठा गगे बदा र दा ऐ। गठबंधन नै अजें तगर घोषित 145 सीटें दे नतीजें च 123 सीटां हासिल करिए स्पष्ट बहुमत हासिल करी लैता ऐ। जिसलै जे 17 सीटां महागठबंधन नै जीतियां न। 5 सीटां होरने दे पक्ख च आई ऐ। अजें तगर दे हासिल रुझानें ते नतीजे मूजब एनडीए गी 202 सीटें पर बढ़त हासिल कीती ऐ। इनदे भारतीय जनता पार्टी 90, जनता दल यूनाटेड 84, लोक जनशक्ति पार्टी-रामविलास 19, हिन्दुस्तान अवामी मोर्चा सेक्युलर गी 5 ते राष्ट्रीय लोक मोर्चा चार सीट पर बढ़त बनाए दे ऐ।

<><><><><><>

Counting-Bypolls

7 राज्ये दे 8 निर्वाचन क्षेत्रें दे उप-चुना दे वोटें दी गिनतरी आह्ला कम्म आज होआ। एह सीटां न जम्मू-कश्मीर च बडगाम ते नगरोटा, राजस्थान च अंता, झारखंड च घाटशिला, तेलंगाना च जुबली हिल्से, पंजाब च तरनतारन, मिजोरम च डेम्पाट ते ओडिशा च नुआपाडा। राजस्थान च कांग्रेस मेदवार प्रमोद जैन भाया होरें अंता विधानसभा सीट जीती लैती ऐ। उने भारतीय जनता पार्टी दे मेदवार मोरपाल सुमन गी 15 हजार 6 सौ 12 वोटें कन्नै हराया। पंजाब च आम आदमी पार्टी दे मेदवार हरमीत सिंह संधू होरें तरनतारन विधानसभा दी सीट पर जीत दर्ज कीतीहै। उने शिरोमणी अकाली दल दी उम्मीदवार सुखविंदर कौर होरें गी 12 हजार 91 वोटें कन्नै हराया। जम्मू कश्मीर च भाजपा मेदवार देवयानी राणा होरें नगरोटा विधानसभा सीट पर जीत दर्ज कीती। उने जम्मू-कश्मीर नेशनल पैथर्स पार्टी (इंडिया) दे मेदवार हर्ष देव सिंह गी 24 हजार 6 सौ 47 वोटें कन्नै हराया। मिजोरम च मिजो नेशनल फ्रंट दे मेदवार डॉक्टर आर. लाल-सांगलि-याना होरें डेम्पाट सीट जीती लैती ऐ। उने अपने नेडमे प्रतिद्वंदी ते जोराम पीपुल्सश मुवमेंट्स दे उम्मीदवार वन-लाल-सायी-लोवा गी 5 सौ 62 वोटें कन्नै हराया।

<><><><><><>

Mandviya-Guj.

केंद्रीय मंत्री डॉ. मनसुख मांडविया होरें अज्ज राजकोट रेलवे स्टेशन सोयां राजकोट-पोरबंदर बश्कार चलने आहली इक विशेष रेलगाड़ी गी झंडी दस्सिए रवाना कीता। मांडविया होर दो दिन दे गुजरात दौरे पर न। उने खेआ जे राजकोट ते पोरबंदर बश्कार दो नमी लोकल रेलगाड़ियें कन्नै सौराष्ट्र क्षेत्र दे विकास गी होर मती रफतार थ्होग ते यात्रियें गी सुविधा होग।

<><><><><><>

Vice-Prez. Rotary Tejas

उपराष्ट्रपति सी. पी. राधाकृष्णन होरें अज्ज नमी दिल्ली च रोटरी तेजस-विंग्स ऑफ चेंज दा उद्घाटन कीता। इक सोशल मीडिया पोस्ट च, उपराष्ट्रपति होरें साक्षरता गी बढ़ावा देने, स्वच्छ जल सुनिश्चित करने, पर्यावरण संरक्षण ते शांति गी बढ़ावा देने च रोटरी दे योगदान दी सराहना कीती। श्री राधाकृष्णन होरें आक्खेआ जे रोटरी दा अपने थ्वा उप्पर सेवा दा दर्शन, सेवा परमो धर्म दे भारतीय सिद्धांत कन्नै गहराई कन्नै मेल खन्दा ऐ। उने आक्खेआ जे रोटरी दी प्रभावशाली पैहल केई कॉर्पोरेट सामाजिक उत्तरदायित्व निधि आस्सेआरा समर्थित ऐ ते एह इक सेहतमंद ते मजबूत राष्ट्र दे निर्माण आस्तै विकास यकीनी करा'रदी ऐ।

PIB-Sitharaman

सरकार नै सोशल मीडिया पर प्रसारित इक वीडियो दा खंडन कीता ऐ जेदे च दावा कीता गया हा जे केंद्रीय खजाना मंत्री निर्मला सीतारामन आसान कमाई प्रदान करने आहले इक निवेश मंच दा प्रचार करा'रदियां न। पत्र सूचना कार्यालय -पीआईबी दी तथ्य जांच इकाई नै आक्खेआ ऐ जे एह वीडियो फ़र्जी ऐ ते इसदे च डिजिटल तौर पर छेड़छाड़ कीती गेदी ऐ। सरकार नै एह बी दस्सेआ जे ऐसे कुसै बी मंच दा समर्थन नेई कीता गेआ ऐ। सरकार नै नागरिकें सोयां ऐसे धोखाधडी सोयां सौहगे रौहने दा आग्रह कीता ऐ ते लोकें सोयां ऐसी खबरें दे झांसे च नेई औने ते कुसै बी जानकारी पर भरोसा करिए गै उसी साझा करने लेई आक्खेआ गेआ ऐ।

<><><><><><>

Prez. Children Day

राष्ट्रपति द्रौपदी मुर्मू होरें अज्ज बाल दिवस दे मौके पर राष्ट्रपति भवन सांस्कृतिक केंद्र च बक्ख बक्ख स्कूलें ते संगठनें दे बच्चों कन्नै गल्लबात कीती। राष्ट्रपति मुर्मू होरें इक सोशल मीडिया पोस्ट च आक्खेआ जे बच्चे देशै दा भविष्य न ते उनें गी आत्मविश्वासी ते ज़िम्मेदार नागरिक बनाना जरूरी ऐ। राष्ट्रपति होरें बच्चें कन्नै किश समां बी गुजारेया । उन्दे चा किश नै वंदेमातरम गाया ते कविता सुनाईयां।

<><><><><><>

Vice-Prez. C.I.I

उपराष्ट्रपति सी.पी. राधाकृष्णन होरें अज्ज आंध्र प्रदेश दे विशाखापत्तनम च 30में सी.आई.आई. साझेदारी शिखर सम्मेलन 2025 दा उद्घाटन कीता। दो दिन दा एह सम्मेलन भारतीय उद्योग परिसंघ नै भारत सरकार ते आंध्र प्रदेश सरकार दे सहयोग कन्नै आयोजित कीता ऐ। इस मौके पर उपराष्ट्रपति होरें आक्खेआ जे प्रधानमंत्री नरेंद्र मोदी हुन्दी अगुवाई च भारत तेजी कन्नै इक समृद्ध मुल्य दे तौर पर उभरा र दा ऐ। उने आक्खेआ जे भारत दुनिया दी त्री सबने थावा बड्डी अर्थव्यवस्था बनने दी बत्ता पर ऐ। ते इक प्रमुख स्टार्टअप केंद्र दे तौर पर विकसित होई र दा ऐ। उपराष्ट्रपति होरें मुख्यमंत्री एन. चंद्रबाबू नायडू हुन्दी अगुवाई दी सिफत कीती ते वैश्विक निवेशकें थावा भारत ते आंध्र प्रदेश च निवेश दे मौके दा लाहू ठोआने दा आग्रह कीता। इस मौके पर मुख्यमंत्री एन. चंद्रबाबू नायडू होरें आक्खेआ जे राज्य आसान व्यापार कन्नै तेज व्यापार आहली भेठा बदा र दा ऐ। जिसदे क्रनै असल समे च मंजूरी ते तेज परियोजना निष्पादन दी सुविधा थोआ र दी ऐ। उने राष्ट्रीय निवेश गी बढ़ावा देने आस्तै 10-सूत्रीय रणनीति दी रूपरेखा पेश कीती ते आक्खेआ जे आंध्र प्रदेश नै 17 महीनें च

20 अरब अमेरिकी डॉलर का निवेश हासिल कीता ऐ, जिसदे कन्नै 20 लक्ख रोजगार पैदा होऐ ना। केंद्रीय उद्योग ते व्यापार मंत्री पीयूष गोयल होरें आक्खेआ जे भारत वैश्विक समझौतें दे माध्यम कन्नै प्रौद्योगिकी का लोकतंत्रीकरण ते मुक्त व्यापार गी मज़बूत करा'रदा ऐ।

<><><><><><>

IITF

विद्युत राज्य मंत्री श्रीपद येसो नाइक होरें अज्ज नमी दिल्ली च 44में भारतीय अंतर्राष्ट्रीय व्यापार मेले च विद्युत मंत्रालय दे पैवेलियन का उद्घाटन कीता। इस मौके पर नाइक होरें आक्खेआ जे एह पैवेलियन देश की उभरती ऊर्जा यात्रा को दिखाता है जो एक भारत, श्रेष्ठ भारत की भावना प्रदर्शित करती है। उन्होंने कहा कि यह पैवेलियन पारंपरिक से स्वच्छ ऊर्जा की ओर भारत की प्रगति का परिचायक है। श्री नाइक ने कहा कि यह भारत का नागरिक-केंद्रित, प्रौद्योगिकी-संचालित, समावेशी और टिकाऊ ऊर्जा पारिस्थितिकी तंत्र है। उन्होंने युवाओं, छात्रों और ऊर्जा पेशेवरों से पावर पैवेलियन देखने का आग्रह आग्रह किया। उन्होंने कहा कि यह पवेलियन एक प्रेरणादायक, प्रौद्योगिकी-समृद्ध वातावरण प्रदान करता है। विद्युत मंत्रालय ने कहा कि पावर पैवेलियन 3डी डिस्प्ले, एलईडी वॉल और एआई-संचालित होलोबॉट द्वारा एक गतिशील और इंटरैक्टिव अनुभव प्रदान करता है।

<><><><><><>

Delhi-Mandpam

दिल्ली दे भारत मंडपम च आयोजित 44में विश्व व्यापार मेले च इक बारी फीह सरस आजीविका मेला 2025 का आयोजन कीता जा र दा ऐ। केंद्रीय ग्रामीण विकास मंत्रालय आस्सेआ आयोजित इस मेले च मुख्य भरै दे हत्थ खड्डी ते दस्तकारी सामानें दी बिक्री ते प्रदर्शनी का आयोजन ऐ। इस बारी मेले च लक्खपति दीदियें पर ध्यान केंद्रित कीता गया ऐ। 27 नवंबर तक चलने आहले इस मेले च 31 राज्य हिस्सा लै र दे न जिनदे च झारखंड, कर्नाटक, लद्दाख ते राजस्थान शामिल ऐ। इस मेले च 300 सोयां मती महिला शिल्प कलाकार, 150 सोयां मते स्टॉलें पर प्रदर्शनी करडन।

<><><><><><>

Cricket

मर्दे दे क्रिकेट च अज्ज भारत ते दक्खण अफ्रीका बश्कार पहला टैस्ट मैच कोलकता दे इडन गार्डन च खेडेआ गेआ। भारत नै दक्खण अफ्रीका गी 159 रप पर गै समेटी दिता। भारत नै पैहले दिन दा खेड मुक्कनें तोडी इक विकट मुहाईए 37 रन बनाई लैते दे हे।

<><><><><><>

Asian-Archery

ढाका च एशियाई तीरंदाजी चैम्पियशिप च भारत दे मर्दे दी रिकर्व टीम नै दक्षिण कोरिया गी 5-4 कन्नै हराईए सुन्ने दा तगमा जितेआ ऐ। दोनें गै टीमें शूट ऑफ च 29 सटीक निशाने लाए पर भारत गी राहुल दे केंद्र बिंदु दे सबने थ्वा नजदीक निशाना लाने पर सुन्ने दा तगमा दिता गया। बरे 2007 दे मगरा इस प्रतियोगिता च भारतीय मर्दे दी रिकर्व टीम दा एह पैहला सुन्ने दा तगमा ऐ। कोरिया 2013 सोयां एह प्रतियोगिता अपने नां करदा आया ऐ। भारत दी इस जित कन्नै भारत नै अजें तगर 4 सुन्ने दे ते 2 चांदी दे तगमे अपने नां करी लैते ना।

<><><><><><>

World Diabetes Day

अज्ज विश्व मधुमेह दिवस मनाया जा र दा ऐ। विश्व सेहत संगठन दे दक्षिण-पूर्व एशिया क्षेत्र नै विश्व मधुमेह दिवस दे मौके पर मधुमेह दे बददे आकड़ें कन्नै निबडने आसतै फौरी ते सरबन्धी कार्रवाई दा आह्वान कीता ऐ। एह क्षेत्र हुन 27 करोड 90 लक्ख सोयां मते लोके गी प्रभावित करा र दा ऐ। दुनिया भरै च 3 चा इक व्यक्ति मधुमेह करी पीडित ऐ। इस बरे दा विषे सार ऐ-जीवन दे बक्ख बक्ख चरणें च मधुमेह। संगठन नै दस्सेआ ऐजे हालांकि टाइप-वन मधुमेह गी रोकेआ नेई जाई सकदा जिसलै कि टाइप-टू मधुमेह दे जोखिम गी नियमित शारीरिक गतिविधि, संतुलित आहार दे राए घट्ट कीता जाई सकदा ऐ ते उचित दवा ते जीवनशैली च बदलाव कन्नै इसी रोकने च मदद थ्होई सकदी ऐ।

<><><><><><>

Wholesale Price Index

भारत दी थोक मूल्य सूचकांक आधारित मुद्रास्फीति इस बरे अक्तूबर च वार्षिक आधार पर नकारात्मक क्षेत्र च इक अशारिया दो-इक प्रतिशत पर आई गई, जेडी सितंबर च सिफर अशारिया इक-3 प्रतिशत ही। उद्योग ते व्योपार मंत्रालय आस्सेआ जारी आंकड़ें मूजब पिच्छले महीने दौरान मुद्रास्फीति दी नकारात्मक दर, मुख्य तौर पर खाद्य पदार्थ, कच्चे पेट्रोलियम ते कुदरती गैस, बिजली, खनिज तेलें ते मूल धातुएं दे निर्माण दी कीमतें च कमी करी ऐ।

<><><><><><>

Kamini-Koushal Death

लोकप्रिय अभिनेत्री कामिनी कौशल हुन्दा कल राती उनदे मुंबई स्थित आवास पर काल होई गेआ। ओहू 98 वरे दियां हियां उनदे इक पारिवारिक मित्र नै इस खबर दी तस्दीक कीती। वर्ष 1946 च आई दी क्लासिक फिल्म नीचा नगर सोयां अपने सिनेमा सफर दी शुरुआत करने आहली कामिनी कौशल 7 दहाकें सोयां भी मते पर्दे पर सक्रिय रेईयां। उन्होंने दिलीप कुमार, देव आनंद ते राज कपूर जनेहू बड़े अभिनेताएं कन्नै कम्म कीता।

<><><><><><>

LG-Vande Matram

लेफ्टिनेंट गवर्नर मनोज सिन्हा होरें आखेआ ऐ जे हर इक्क भारत वासी दे दिलै च इक्क गीत बसे दा ऐ ते ओहू गीत 'वंदे मातरम'ऐ। एल.जी होरें आखेआ जे स्वतंत्रता संग्राम दे दुरान जिस्सलै बी कोई 'वंदे मातरम'गीत गांदा हा तां दुए लोक गी उसी गुणगुनांदे हे। इस चाल्ली इक्क मजबूत रिश्ता बनेआ जेहड़ा अजै दी युवा पीढ़ी गी मां भारती दी सेवा आस्तै प्रेरित करदा ऐ। एल.जी सिन्हा होरें एहू गल्ल जम्मू दे मौलाना आजाद स्टेडियम च आयोजित वंदे मातरम गीत दे 150 ब'रे पूरे होने दे उपलक्ष्य च मनाए जा'रदे समारोहें दे पैहले गेड़ दे समापन कार्यक्रम गी संबोधित करदे होई आक्खी। श्री सिन्हा होरें आखेआ जे असेंगी बंकिम चंद्र चटोपाध्याय हुं'दे बचारें ते आदर्श दा प्रसार करना लोड़चदा ऐ जिनें स्थाड़े स्वतंत्रता संग्राम गी नमां आकार दित्ता। उनें आखेआ जे असेंगी 'वंदे मातरम' गीत दी भावना दा इस्तेमाल केंद्र शासित प्रदेश जम्मू-कश्मीर गी अगगे बदाने आस्तै करना लोड़चदा ऐ।

<><><><><><>

Poonch-Vande Matram

जिला प्रशासन पुंछ नै बी राश्ट्री गीत 'वंदे मातरम'दे 150 साल पूरे होने दे उपलक्ष्य च ब'रा भर मनाए जा'रदे समारोहें दे पैहले गेड़ दा इक्क शानदार समापन समारोह आयोजित कीता। पुंछ दे खेड स्टेडियम च करवाए गेदे इक कार्यक्रम च खरी मती गिनतरी च विद्यार्थियों, आम लोकें, अधिकारियों ते मन्ने-परमन्ने दे लोकें बी हिस्सा लैता। इस कार्यक्रम दरान पुंछ दी सगोसार सांस्कृतिक विरासत ते भारत दे स्वतंत्रता संग्राम गी बड़ी खरी चाल्ली पेश कीता गेआ।

<><><><><><>